

Vischnaunca da Trun

Regulativ da fatschentas (RF)



2002

CUNTEGN

A. Determinaziuns generalas		pagina
Art. 1	Validitad	5
Art. 2	Egualitad dallas schlatteinas	5
Art. 3.	Preschientscha allas sedutas, exculpaziun	5
Art. 4	Recusaziuns	5
Art. 5	Votaziuns	5
Art. 6	Elecziuns	6
Art. 7	a) suprastonza	6
Art. 8	b) ulteriurs gremis	6
Art. 9	Protocol, publicitad, informaziun	6
B. Cussegl da vischnaunca		
I. Constituziun		
Art. 10	Seduta constitutiva:	6
	a) convocaziun	
Art. 11	b) elecziun president, dumbravuschs, suppleants	7
Art. 12	c) elecziun vicepresident ed actuar	7
Art. 13	d) modalitad d'elecziuns	7
Art. 14	e) temps d'uffeci	7
Art. 15	Vicepresident communal, cumissiuns e delegai	7
II. Sedutas		
Art. 16	Convocaziun, tractandas	8
Art. 17	Sedutas extraordinarias	8
Art. 18	Investa els acts	8
Art. 19	Invitaziun	

III. Tractaziuns

Art. 20	Presidi	9
Art. 21	Collaboraziun dalla suprastanza communal	9
Art. 22	Cumissiuns predeliberontas	9
Art. 23	Cumissiuns specialas	9
Art. 24	Presentaziun dallas propostas	9
Art. 25	Debatta d'entrada	10
Art. 26	Presentaziun dalla fatschenta	10
Art. 27	Discussiun	10
Art. 28	Proposta da serrar la discussiun	10
Art. 29	Proposta da revegnir	11
Art. 30	Reponderaziun	11
Art. 31	Secunda lecziun	11
Art. 32	Reglas da creanza, falliments	11
Art. 33	Pusseivladad da tschentar damondas	11
Art. 34	Access public allas tractaziuns, informaziuns	12

IV. Votaziuns

Art. 35	Disposiziuns	12
Art. 36	Successiun dallas propostas	12
Art. 37	Propostas cumbinadas	12
Art. 38	Eruir ils resultats	13
Art. 39	Vusch da decisiun	13
Art. 40	Referendum facultativ	13

V. Intervenziuns parlamentaras

Art. 41	Specias:	13
	a) moziun	
Art. 42	b) postulat	13
Art. 43	c) interpellaziun	13
Art. 44	Procedura:	14
	1. en general	
	a) inoltraziun	
Art. 45	tractament urgent	14
Art. 46	retratga	14

Art. 47	2. Moziun e postulat:	14
	a) tractament	
Art. 48	b) tractaziun	14
Art. 49	c) rapport, liquidaziun	15
Art. 50	3. Interpellaziun	15

VI. Protocol

Art. 51	Menar protocol, investa e signaziun	15
Art. 52	Cuntegn	15
Art. 53	Approbaziun	16

C. Suprastonza communal

Art. 54	Repartiziun dallas incaricas	16
Art. 55	Convocaziun, cumpetenzas a conclus, obligaziun da votar, investa els acts	16
Art. 56	Tractaziun da fatschentas, decisiun	16
Art. 57	Cumpetenzas	17
Art. 58	Departements	17
Art. 59	Spartas administrativas	17

D. Cumissiuns specialas

Art. 60	Constituziun, sedutas	19
Art. 61	Suttascripziun	19

E. Determinaziuns finalas

Art. 60	Constituziun, sedutas	19
Art. 62	Vigur	19

*sebasond sin art. 39 – art. 52 ed art. 58 – art.69
dalla constituziun communal dil 18 da zercladur 1999*

A. Determinaziuns generalas

Art. 1

Validitad

Il regulativ da fatschentas vala per tuttas autoritads communalas, nun che las prescripziuns specialas stipuleschan enzatgei auter. Las cumpetenzas dils organs communalas sedrezzan suenter las prescripziuns dalla constituziun communal.

Art. 2

*Egualitad dallas
schlatteinas*

Las indicaziuns davart persunas, funcziuns e professiuns el regulativ da fatschentas serefereschan ad omisduas schlatteinas.

Art. 3

*Preschientscha
allas sedutas,
exculpaziuns*

Scadin commember d'ina autoritad ei obligaus d'assister allas sedutas. Perstgisas motivadas ein da comunicar ad uras al president pertuccau. Sur dalla preschientscha vegn menau protocol.

Art. 4

Recusaziun

Eventualas damondas da recusaziun el senn d'art. 13 dalla constituziun communal vegnan examinadas e decididas alla entschatta dalla tractaziun d'ina fatschenta. Quei succeda en assenza dils pertuccai. Persunas ch'adempleschan ina funcziun en representanza ni en incarica dalla vischnaunca, ein buca obligadas da prender stgisa.

Art. 5

Votaziuns

Votaziuns succedan per regla cun maun pli, nun ch'ei vegni pretendiu scrutini. Mintga commember d'ina autoritad communal sa pretender scrutini. Ina fatschenta ei acceptada, sch'in diember dallas vuschs affirmativas survarga la mesadad dallas vuschs valeivlas. Il president votescha medemamein. Tier egualitad da vuschs dat el la decisiun e quei senza risguardar sia vusch gia dada.

Art. 6*Elecziuns:*

Aschinavon ch'ei exista mo ina proposta ni che negin pretenda scurtini, succedan las elecziuns cun maun pli.

Survarga il diember da candidats buca il diember da posts, sa l'elecziun succeder en globo, aschinavon che las premissas d'alinea 1 ein dadas e ch'ina successiun ei buca necessaria.

Art. 7*a) suprastonza*

Tier elecziuns dalla suprastonza decida il pli absolut. Quel vegn eruius sin fundament dil art. 13 dalla lescha davart votaziuns ed elecziuns.

El secund scrutini decida il pli relativ.

Art. 8*b) ulteriurs gremis*

Pils ulteriurs gremis decida il pli relativ. Tier vuschs ulivas tila igl actuar la sort.

Art. 9*Protocol,
publicitad,
informaziun*

Mintga autoritad communal dessegna in actuar che meina in protocol. La suprastonza communal obtegn mintgamai il protocol per orientaziun. Tiarzas personas san prender investa els protocols mo sch'ellas san far valer interess fundai. A quei giavisch sa era vegnir satisfatg entras in extract dil protocol. Per regla ein tals extracts da far pér suenter l'approbaziun dil protocol.

B. Cussegl da vischnaunca**I. Constituziun****Art. 10***Seduta constitutiva:**a) convocaziun*

Suenter las novas elecziuns serimna il cussegl da vischnaunca sin invitaziun dalla suprastonza communal tier la seduta constitutiva.

Las elcziuns per il secund e tierz onn dalla perioda d'uffeci presidiescha mintgamai il president dil cussegl da vischnaunca.

Quellas elecziuns han liug la davosa seduta digl onn d'uffeci che scada.

Art. 11

*b) elecziun
president,
dumbravuschs
e suppleants*

Il president communal arva la seduta. El empeila l'elecziun da dus dumbravuschs e da dus suppleants e silsuenter dil president dil cussegl. Il niev elegiu president dil cussegl surpren ladinamein il presidi.

Art. 12

*c) elecziun
vicepresident
ed actuar*

Il cussegl da vischnaunca elegia allura siu vicepresident e dessegna in actuar. Igl actuariat sa vegnir surdaus ad in emploiau dall'administzaion communal.

Art. 13

*d) modalitad
d'elecziuns*

Il president ed il vicepresident dil cussegl da vischnaunca vegnan elegi entras scrutini. Igl actuar, ils dumbravuschs ed ils suppleants dils dumbravuschs cun maun pli.

Art. 14

e) temps d'uffeci

Las elecziuns dil biro dil cussegl da vischnaunca valan mintgamai per in onn.

Art. 15

*Vicepresident
communal,
cumissiuns e
delegai*

Il cussegl da vischnaunca elegia all'entschatta da mintga perioda d'uffeci tenor art. 41 lit. a dalla constituziun communal il vicepresident communal, il cumandant da pumpiers e las suandontas cumissiuns permanentas:

- biro electoral,
- cumissiun da baghegiar,
- cumissiun da fiug,
- cumissiun da menaschi Serenera Zavrugia,
- cumissiun da perimeter,
- cumissiun en cass d'eveniments dalla natira,
- cumissiun per fatgs da cultura,
- cumissiun per verificaziun da votaziuns communalas,
- cumissiun santeri,
- cussegl da fundaziun Casa s. Martin,
- cussegl da scola,
- ulteriuras cumissiuns permanentas.

Croda la perioda d'uffeci d'ina cumissiun ni d'in delegau el dentertemps elegia il cussegl da vischnaunca ses representants sin l'entschatta dil mandat tenor regulativ dil gremi pertuccau. Quei vala per ils suandonts delegai:

- delegai Corporaziun da vischnauncas Surselva,
- delegai dalla Casa da tgira Sutsassiala,
- delegai dalla Uniun da Spital regional Glion,
- delegai dalla Uniun Spitex Cadi,
- delegai dil cudisch funsil Trun e contuorn,
- delegai dalla Corporaziun per l'economisaziun da gliet dallas sereneras dalla Cadi,
- ulteriurs delegai.

Ulteriuramein propona il cussegl da vischnaunca per mintga perioda d'uffeci ils representants el cussegl d'administraziun dalla Ovra electrica Ferrera Trun SA.

II. Sedutas

Art. 16

*Convocaziun,
tractandas*

Il cussegl da vischnaunca vegn convocaus sin invitaziun dalla suprastanza communal aschi savens sco las fatschentas pretendan. Il datum da seduta e las tractandas vegnan fixadas dil president communal en concordanza cul president dil cussegl da vischnaunca.

Art. 17

*Sedutas
extraordinarias*

Il cussegl da vischnaunca ei plinavon da convocar, sch'il president dil cussegl da vischnaunca ni silmeins tschun cussegliers pretendan quei. La proposta ei da far a scret alla suprastanza communal cun indicar las fatschentas che dueien vegnir tractadas.

Art. 18

Investa els acts

Ils cussegliers san consultar ils acts dallas fatschentas tier l'administaziun communal. Quels stattan ad investa silmeins tschun dis avon la seduta.

Art. 19

Invitaziun

L'invitaziun allas sedutas succeda a scret sil pli tard siat dis avon, cun aschuntar la gliesta da tractandas ed ils messadis. En cass urgents san ins sviar da quella regla.

III. Tractaziuns

Art. 20

Presidi

Il president empeila las tractativas dil cussegl. El procura ch'il regulativ da fatschentas e las isonzas parlamentaras vegnien observadas.

En cass ch'il president ed il vicepresident san buca esser presents, elegia il cussegl mintgamai in president dil di.

Art. 21

*Collaboraziun
dalla
suprastonza
comunala*

Allas sedutas dil cussegl assista il president communal. Schinavon ch'igl ei necessari per la tractaziun dallas fatschentas ein era ils ulteriurs commembers dalla suprastonza communal presents.

Art. 22

*Cumissiuns
predeliberontas*

Per la predeliberaziun da projects da pli gronda muntada, ch'ei gia vegni tractai dalla suprastonza communal, sa il cussegl da vischnaunca sez, ni sin proposta dalla suprastonza communal, eleger ed installar cumissiuns predeliberontas.

Talas cumissiuns han d'examinar il project avon la tractaziun el cussegl, da dar rapport alla suprastonza communal e da far propostas al cussegl da vischnaunca.

Art. 23

*Cumissiuns
specialas*

El rom da sias cumpetenzas sa il cussegl da vischnaunca installar cumissiuns specialas, fixar lur incarica e cumposiziun. La cumissiun ei obligada da rapportar a scret sur dil resultat da sia lavur.

Art. 24

*Presentaziun dallas
porpostas*

All'entschatta dalla tractaziun d'ina fatschenta ein las propostas dalla suprastonza communal da comunicar.

Sin giavisch san ulteriurs acts vegnir presentai.

Art. 25*Debatta d'entrada*

Suenter la presentaziun dallas propostas meina il cussegl da vischnaunca ina debatta d'entrada.

Vegn ei fatg ella debatta d'entrada ina proposta da buca entrar ni da refusar la tractaziun, ei la discussiun da restrenscher sin quella proposta.

Tier fatschentas decida il cussegl da vischnaunca d'entrar ni buca entrar en caussa.

Art. 26*Presentaziun dalla fatschenta*

Vegn ei decidiu d'entrar succeda la tractaziun en detagl.

La presentaziun dalla fatschenta succeda entras in representant dalla suprastanza communal.

Art. 27*Discussiun*

Il president dil cussegl arva avon mintga votaziun la discussiun davart la fatschenta presentada.

Il plaid vegn daus ella successiun sco el vegn dumandaus. Tier il medem punct astga in cusseglier prender sil pli bia treis gadas il plaid. Ina excepziun ei mo pusseivla per ils commembers da suprastanza e per ils plidaders da cumissiuns.

Vul il president dil cussegl separticipar alla discussiun, surdat el il presidi a siu substitut.

La discussiun ha da serestrenscher sin la caussa che stat en tractaziun.

Il president dil cussegl ha d'intervegnir, sche quella prescripziun vegn buca observada.

Art. 28*Proposta per serrar la discussiun*

Vegn ei fatg ina proposta da serrar la discussiun, eis ei da votar immediat sur da quella. Ina tala proposta drova per l'approbaziun duas tiarzas dallas vuschs valeivlas.

Vegn la proposta per serrar la discussiun approvada, obtegnan mo aunc ils votants gia annunziats, il representant dalla suprastanza communal ed eventuels referents dalla cumissiun il plaid.

Art. 29

*Proposta per
revegnir*

Propostas per revegnir ad in apart d'ina fatschenta ein duront la tractaziun da quella pusseivlas da tut temps avon la votaziun finala, aschinavon che la pluralitad dils commembers presents va d'accord. Alla fin dalla tractaziun d'ina fatschenta dat il president dil cussegl la pusseivladad da revegnir a singuls artechels. Il president dil cussegl sa stuschar la tractaziun d'ina fatschenta, alla quala il cussegl vul revegnir, sin la fin dalla seduta.

Art. 30

Reponderaziun

Entochen la fin da mintga seduta san duas tiarzas dils commembers presents pretender ch'ina fatschenta tractada ella medema seduta vegni reponderada.

Art. 31

Secunda lecziun

Tier projects, leschas e reglaments d'impurtonza sa il cussegl decider davart ina secunda lecziun.

Art. 32

*Reglas da creanza,
falliments*

La discussiun ha da setener allas reglas da creanza. Remarcas che violeschan l'honor astgan buca vegnir fatgas. Falliments ston immediat vegnir admoni dil president dil cussegl. En cass gravionts sa il cussegl da vischnaunca sclauder in cusseglier dalla seduta.

Art. 33

*Pusseivladad da
tschentar
damondas*

Tier mintga seduta vegn ei dau la pusseivladad da tschentar damondas en tut ils fatgs che cumpetan ils interess communals. La suprastonza sto buca informar ladinamein en caussa, vegn deton obligada da revegnir sil pli tard la proxima seduta alla damonda.

Art. 34

*Access public
allas tractaziuns,
informaziuns*

Las tractaziuns dil cussegl da vischnaunca ein publicas. Il cussegl sa, sch'impurtonts motivs pretendan ei, sclauder la publicitad d'ina tractaziun. El decida sur da quella damonda cun scrutini.

La suprastonza communal procura ensemen cul president dil cussegl per ina adattada informaziun dalla publicitad sur dallas tractaziuns.

IV. Votaziuns**Art. 35**

Disposiziuns

Avon mintga votaziun prelegia il president dil cussegl la formulaziun exacta dallas propostas. El fixescha la successiun da votar sur las propostas.

Objecziuns encunter quellas disposiziuns liquidescha il cussegl ladinamein.

Il president dil cussegl sa ordinar che las propostas vegnien suttamessas a scret.

Art. 36

*Successiun dallas
propostas*

Las propostas vegnan messas sequentamein en votaziun:

- a) midadas subordinadas
- b) propostas da midadas
- c) propostas principalas

Schaian pli che duas propostas principalas avon maun, vegn ei votau el medem mument surlunder. Mintga cusseglier astga denton votar mo per ina. Obtegn negina proposta la maioritad dallas vuschs, croda la proposta cun las pli paucas vuschs. Silsunter vegn la medema procedura duvrada per las propsotas restontas entochen ch'ina proposta obtegn la maioritad.

Art. 37

*Propostas
cumbinadas*

Tier propostas cumbinadas vegn votau separau sur dallas singulas parts. Sa ina damonda da votaziun buca vegnir separada, ha quei da succeder sch'in cusseglier pretenda.

Art. 38*Eruir ils resultats*

Propostas e fatschentas ein approbadas, sch'il diember dallas vuschs affirmativas survarga la mesadad dallas vuschs valeivlas. Il cunterpli ei d'eruir.

Art. 39*Vusch da decisiun*

Il president dil cussegl votescha medemamein. Tier egualitad da vuschs dat el la decisiun e quei senza risguardar sia vusch gia dada.

Art. 40*Referendum facultativ*

Decisiuns ch'eiin suttamessas tenor art. 19 dalla constituziun communalal al referendum facultativ ein da publicar egl organ official dalla vischnaunca.

V. Intervenziuns parlamentaras**Art. 41***Specias:
a) moziun*

Ina moziun ei ina proposta ch'obligescha la suprastanza communalal da suttametter al cussegl da vischnaunca in project ni da far ina proposta per relaschar, midar ni cassar ina lescha, ina ordinaziun ni in conclus dil cussegl da vischnaunca.

Art. 42*b) postulat*

Il postulat ei ina proposta nunligionta dil cussegl da vischnaunca, che propona alla suprastanza communalal d'intervegnir sigl intschess dalla legislaziun ni dalla administraziun ni dar dar in rapport.

Art. 43*c) interpellaziun*

Cun ina interpellaziun sa in cusseglier pretender sclariment dalla suprastanza communalal sur mintga fatg dalla administaziun communalal ch'eiin tenor prescripziuns vertentas buca da tener tschelau.

Art. 44*Procedura**1. en general**a) inoltraziun*

Scadin cusseglier sa inoltrar tier il president dil cussegl da vischnaunca intervenziuns parlamentaras. Talas ein da far en scret ed ein da proveder cun ina proposta ed ina cuorta motivaziun. Il president dil cussegl da vischnaunca fa enconuschentas quellas al cussegl en la medema sesida.

Art. 45*b) tractament
urgent*

En concordanza cun la suprastonza communal san intervenziuns parlamentaras vegnir declaradas dil cussegl da vischnaunca per urgentas. Sch'ei vegn concludiu urgenza, vegn l'intervenziun parlamentara tractada duront la medema sessiun.

Art. 46*c) retratga*

Igl emprensuttascet ni en assenza da quel il secund- ni tierzsuttascet sa retrer ina moziun ni in postulat entochen la finiziun dalla tractaziun, ina interpellaziun entochen la risposta dalla suprastonza communal.

La retratga ei da comunicar al president dil cussegl da vischnaunca ni alla suprastonza.

Art. 47*2. Moziun e postulat:
a) tractament*

La suprastonza communal rapportescha e fa propostas al cussegl da vischnaunca enteifer treis meins suenter l'inoltraziun viers moziuns e postulats. Sin proposta dalla suprastonza communal sa il cussegl da vischnaunca prolunghir quei termin.

La suprastonza sa proponer d'acceptar cumpleinamein u parzialmein, da strihar ni da refusar ina moziun ni in postulat. Ella sa era proponer ch'ina moziun seigi d'acceptar sco pustulat.

Art. 48*b) tractaziun*

Ina discussiun ha liug mo lu, sch'ina moziun ni in postulat vegnan cumbatti dalla suprastonza ni ord il miez dil cussegl ni sche la discussiun vegn concludida dil cussegl.

Ei ina moziun ni in postulat el mument dalla deliberaziun el cussegl exequius, sa la moziun ni il postulat ensemen cun l'acceptaziun vegnir strihaus sco realisaus.

Alla fin dalla deliberaziun decida il cussegl, sche l'intervenziun vegn remessa alla suprastonza communal ni sch'ella ei da refusar.

Art. 49

*c) rapport,
liquidaziun*

La suprastanza communal ha da dar suatientscha a moziuns e postulats remess sil plitard enteifer sis meins. Il cussegl da vischnaunca sa prolunghir quei termin sin funadment d'in motivau rapport dalla suprastanza communal.

Moziuns e postulats pendents ein da menziunar el rapport annual dalla cumissiun da gestiun.

Art. 50

3. Interpellaziun

La suprastanza communal rispunda las interpellaziuns immediat ni sil pli tard enteifer treis meins sunter l'inoltraziun a scret.

Gl'interpellant sa sedeclarar satisfatgs, parzialmein satisfatgs ni buca satisfatgs dalla risposta. La declaronza sa vegnir motivada cun ina cuorta posiziun.

Ina discussiun ha liug mo lu, sch'ella vegn concludida dil cussegl. En quei cass valan las reglas generalas davart la limitaziun dil temps conform lur senn.

VI. Protocol**Art. 51**

*Menar protocol,
investa e signaziun*

Sur dallas tractaziuns dil cussegl da vischnaunca meina igl actuar ni siu substitut in protocol.

Scadina persuna cun dretg da votar ha tenor art. 27 dalla constituziun communal il dretg da prender investa els protocols dil cussegl da vischnaunca.

Il protocol dil cussegl da vischnaunca ei da signar dil president e digl actuar.

Art. 52

Cuntegn

Il protocol ha da cuntener las fatschentas, propostas ed ils conclus, sco era igl essenzial dalla discussiun. Tier votaziuns ed elecziuns ei il diember dallas vuschs dad indicar.

Declaraziuns tier in conclus per mauns dil protocol san vegnir dadas mo ella seduta ch'il conclus vegn prius.

Art. 53*Approbaziun*

Per regla vegn il protocol tarmess als cussegliers ensemen cun ils acts per la proxima seduta. El vegn mess en discussiun per approbaziun ella proxima seduta.

Propostas per midadas dil protocol san mo vegnir pretendidas per purificar il text e per rectificar presentaziuns fallidas.

C. Suprastonza communal**Art. 54***Repartiziun dallas incaricas*

La suprastonza communal reparta mintgamai all'entschatta d'ina perioda d'uffeci ils departaments e las spartas administrativas sin ils singuls commembers da suprastonza e regla la substituziun.

Tier ina midada persunala ni dil departament vegn la surdada d'uffeci reglada denter ils pertuccai.

Tier fatschentas che tangheschan la cumpetenzza da differents departaments decida la suprastonza communal, tgei departament ch'ei responsabels per la tractaziun.

Art. 55*Convocaziun, investa els acts, cumpetenzza da concluder, obligaziun da votar*

La suprastonza communal vegn convocada entras il president communal u da siu substitut aschi savens che las fatschentas pretendan quei. All' invitaziun duei vegnir aschuntau la gliesta da tractandas.

Ils acts sesanflan per investa tier l'administraziun communal.

La suprastonza ei cumpetenta da decider sche silmeins treis commembers ein presents.

Scadin commember dalla suprastonza communal che fa part alla seduta, ei obligaus da votar.

Art. 56*Tractaziun da fatschentas, decisiun*

Mintga commember dalla suprastonza examinescha, giudichescha e presenta las fatschentas da siu departament per mauns dalla suprastonza communal.

Fatschentas d'impurtonza vegnan preparadas en stretga collaboraziun cun il president communal.

Il cau dil departament dat rapport sur eveniments specials da siu departament al president communal e fa propostas leutier.

La decisiun schai tier la suprastonza communal sco autoritad.

Art. 57*Cumpetenzas*

Mintga cau da departament dispona, conform preventiv, dalla summa allegada a siu departament. El ha la cumpetenza da predeliberar las fatschentas tenor las spartas fixadas el preventiv. La suprastonza ei d'orientar sur dils mieds previ d'impunder.

Il surdar lavurs e furniziuns el rom dil preventiv schai tenor art. 45 lit. j dalla constituziun communal en cumpetenza dalla suprastonza commuanla.

Art. 58*Departaments*

L'administraziun communal sedivida per regla en suandonts departaments:

1. Administraziun, finanzas, economia
2. Scolaesser, cultura, sanadad
3. Fatgs da baghegiar e planisaziun
4. Forestaesser, stradaesser
5. Agricultura, ambient, segirtad publica

Art. 59*Spartas
administrativas*

Las spartas administrativas dils singuls departaments cumpeglian per regla:

1. Administraziun, finanzas, economia:

administraziun:	- canzlia communal
	- persunal canzlia communal
	- survigilonza giuridica
finanzas:	- finanzas
	- taglias
economia:	- economia
	- turissem

2. Scolaesser, cultura, sanadad:

scolaesser:	- cussegl da scola
	- scola, scoletta
	- diever e manteniment dils locals da scola Trun/Zignau
	- survetsch dentari scolars
cultura:	- cumissiun da cultura
	- biblioteca
	- Romania

- sanadad:
- Casa s. Martin
 - Spitex
 - Spital regional Surselva
 - agid social

3. Fatgs da baghegiar e planisaziun:

- fatgs da baghegiar:
- cumissiun da baghegiar
 - damondas da baghegiar
 - controlla generala en fatgs da baghegiar
 - santeri
- planisazin:
- planisaziun locala
 - terminaziun

4. Forestalesser, stradalesser:

- forestalesser:
- selvicultur
 - gruppas da vischnaunca
 - projects forestals
 - lavineras
 - diever e manteniment dils baghetgs forestals
- stradalesser:
- vias
 - traffic
 - punts e rempars
 - illuminaziun
 - canalisaziun
 - serenera

5. Agricultura, ambient, segirtad publica:

- agricultura:
- fatgs d'agricultura
 - alps e pastiras
 - affitaziuns e frietaziuns
- ambient:
- deponias da material e rumians
 - piazza da cumpostar
 - dismessa da cadavers
- segirtad publica:
- polizia communal
 - militar
 - schurmetg civil
 - uorden da fiug, pumpiers

D. Cumissiuns

Art. 60

*Constituziun,
sedutas*

Las cumissiuns communalas seconstitueschan sesezzas aschinavon che l'autoridad electorala decida buca enzatgei auter.
Il president convochescha e presidescha las sedutas. Leutier valan las determinaziuns generalas da quest regulativ da fatschentas.

Art. 61

Suttascripziun

Conclus d'impurtonza ein da signar dil president e digl actuar dalla cumissiun respectiva.

E. Determinaziuns finalas

Art. 62

Vigur

Quest regulativ da fatschentas ei vegnius approbaus dil cussegl da vischnaunca en la seduta dils **24-06-2002**.
El remplazza il regulativ da fatschentas dils 01-01-1980 e passa en vigur ils **01-03-2003**.

En num dalla suprastonza communal Trun

Il president
Daniel Tuor

Igl actuar
Plazi Decurtins